



جدوال قمبراچان خطبه جمعة سيري 6/ 2022  
(Bulan Jun Tahun 2022)

| ب  | تاجوق                                       | تاريخ                             |
|----|---------------------------------------------|-----------------------------------|
| 1. | CINTA, KASIH DAN SAYANG                     | 3.6.2022M/<br>4 Zulkaedah 1443H   |
| 2. | MENCARI BAHAGIA YANG<br>HAKIKI              | 10.6.2022M/<br>11 Zulkaedah 1443H |
| 3. | NILAI KEMANUSIAAN DAN<br>RAHMATAN LILALAMIN | 17.6.2022M/<br>18 Zulkaedah 1443H |
| 4. | HAYATI KEIMANAN KEPADA<br>RASULULLAH SAW    | 24.6.2022M/<br>26 Zulkaedah 1443H |
|    | خطبه كدوا                                   |                                   |

فرچيتقن ديبياي :



زكاة قولاو فينغ تليفون : 04-5498088

---

***Jawatankuasa Panel Semakan Teks Khutbah  
Negeri Pulau Pinang***

---

- 1. SS Dato' Seri Dr. Haji Wan Salim bin Wan Mohd Noor (Pengerusi)**  
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**  
Pensyarah, Pusat Pengajian Ilmu Kemanusiaan,  
Universiti Sains Malaysia
- 3. Ustaz Rosli bin Othman**  
Ketua Sektor Pendidikan Islam,  
Jabatan Pendidikan Negeri Pulau Pinang
- 4. Ustaz Ahmad bin Hashim**  
Ketua Pusat Pengajian Tahfiz Al-Quran,  
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**  
Penyelaras Program Intervensi Kaunseling,  
Universiti Sains Malaysia
- 6. Ustaz Mohd Salmi bin Shaimi**  
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**  
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab (Setiausaha)**  
Ketua Penolong Pengarah, Bahagian Dakwah  
Jabatan Hal Ehwal Agama Islam Pulau Pinang (JHEAIPP)



## MENCARI BAHAGIA YANG HAKIKI

(10 Jun 2022M / 18 Zulkaedah 1443H)

الْحَمْدُ لِلَّهِ كَتَبَ الْفَلَاحَ لِعِبَادِهِ الْمُؤْمِنِينَ، وَضَمِنَ السَّعَادَةَ لِأَوْلِيَائِهِ الْمُخْلِصِينَ.  
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُ اللَّهِ وَرَسُولُهُ،  
اللَّهُمَّ صَلِّ وَسَلِّمْ عَلَى قُدُّوتِنَا مُحَمَّدٍ، وَعَلَى آلِهِ وَصَحْبِهِ إِلَى يَوْمِ الدِّينِ.  
أَمَّا بَعْدُ؛ أَيُّهَا الْمُسْلِمُونَ، اتَّقُوا اللَّهَ تَعَالَى فَإِنَّ تَقْوَى اللَّهِ خَيْرُ لِبَاسٍ وَزَادٍ،  
وَأَفْضَلُ وَسِيلَةٍ إِلَى رَبِّ الْعِبَادِ.  
أَمَّا بَعْدُ، فَاتَّقُوا اللَّهَ إِنِّي أَوْصِيكُمْ وَنَفْسِي - عِبَادَ اللَّهِ - بِتَقْوَى اللَّهِ عَزَّ وَجَلَّ لَعَلَّكُمْ  
تُفْلِحُونَ.

### SIDANG JUMAAT YANG DIMULIAKAN ALLAH,

Saya menyeru kepada diri saya sendiri dan kepada sidang jumaat sekalian, marilah sama-sama kita bayangkan hari ini adalah hari terakhir kita di muka bumi Allah ini. Ayuh perbaiki diri dengan meningkatkan keimanan dan ketaqwaan kepada Allah **سُبْحَانَهُ وَتَعَالَى** yakni dengan melaksanakan segala perintahNya dan menjauhi segala laranganNya.

Sebelum melanjutkan bicara suka khatib memberi peringatan. Sedarlah bahawasanya perbuatan berbual-bual, bermain telefon bimbit atau tidur dengan sengaja adalah perbuatan sia-sia yang boleh menjejaskan kesempurnaan meraih ganjaran pahala.

Marilah kita tinggalkan sebentar segala urusan dunia. Kita berikan sekitar 15 minit yang berharga ini untuk merenung hakikat kehambaan kita. Jangan kita melangkah keluar dengan hati dan jiwa yang kosong tetapi kita datang dengan



harapan dan pulang dengan perubahan. Bagi memaknai kewajiban solat jumaat hari ini, marilah kita menghayati bicara mimbar yang bertajuk: **“Mencari Bahagia yang Hakiki.”**

#### **SIDANG JUMAAT YANG DIKASIHI ALLAH,**

Tiada seorang pun manusia yang ingin memilih derita dari bahagia. Hatta orang gila pun jika boleh membuat pilihan, mereka akan memilih untuk berbahagia dengan cara mereka sendiri.

Setiap orang mahukan kebahagiaan dalam kehidupannya, namun ramai orang yang menganggap bahagia terletak pada wang, harta, pangkat dan kenderaan semata-mata. Padahal kesemua ini tidak mampu membawa kepada kebahagiaan yang hakiki. Faktor-faktor kebahagiaan yang sebenar adalah seperti yang dinyatakan dalam hadis daripada Saad bin Abi Waqas رَضِيَ اللَّهُ عَنْهُ, Rasulullah صَلَّى اللَّهُ عَلَيْهِ وَسَلَّمَ bersabda:

أَرْبَعٌ مِنَ السَّعَادَةِ: الْمَرْأَةُ الصَّالِحَةُ، وَالْمَسْكَنُ الْوَاسِعُ، وَالْجَارُ الصَّالِحُ،  
وَالْمَرْكَبُ الْهَنِيءُ، وَأَرْبَعٌ مِنَ الشَّقَاوَةِ: الْجَارُ السُّوءُ، وَالْمَرْأَةُ السُّوءُ،  
وَالْمَسْكَنُ الضَّيِّقُ، وَالْمَرْكَبُ السُّوءُ

Maksudnya: “Empat tanda kebahagiaan; isteri yang solehah, tempat tinggal yang luas, jiran yang soleh dan kenderaan yang elok. Manakala empat tanda kedukaan adalah jiran yang buruk (akhlakunya), isteri yang buruk akhlakunya, tempat tinggal yang sempit (tidak selesa) dan kenderaan yang buruk.”

(Hadis Riwayat Imam Ahmad Dan Ibn Hibban)

#### **SIDANG JUMAAT SEKALIAN,**

Jika kita memiliki rumah yang luas, tetapi isteri sebagai teman hidup mempunyai akhlak yang buruk, maka kita tetap menderita. Begitu juga jika kita sudah memiliki rumah yang selesa, isteri yang solehah tetapi tinggal

berhampiran jiran yang selalu menyakitkan hati, hati kita tetap tidak merasa bahagia.

Seterusnya, jika kita memiliki kenderaan yang bagus, namun tidak dapat membantu kita untuk menambah amal dan mencari pahala, maka ini juga tidak membawa kepada kebahagiaan yang diinginkan.

Berapa ramai orang memiliki wang yang banyak, harta yang bertimbun, pangkat yang tinggi dan kekayaan yang melimpah ruah ketika hidup didunia tetapi tidak menggunakan kesemua ini bagi menambah nilai kebajikan untuk meraih keuntungan dalam kehidupan akhirat nanti. Mereka juga dikategorikan sebagai manusia yang tidak bahagia melainkan untuk sementara sahaja.

### **SIDANG JEMAAH YANG DIRAHMATI ALLAH,**

Maka, gunakanlah apa yang kita miliki untuk mencapai kebahagiaan yang hakiki. Di samping itu kita perlu memahami bahawa kebahagiaan yang Allah kurniakan kepada kita adalah untuk menguji bagaimanakah sikap kita terhadap nikmat kebahagiaan tersebut. Ini kerana kebahagiaan yang Allah anugerahkan pada kita pasti bersebab. Dua sebab mengapa kebahagiaan itu dikurniakan kepada kita walaupun pada perkiraan, kita masih makhluk-Nya yang selalu meremeh-temehkan ketaatan kepada-Nya iaitu:

**Pertama:** Sebagai ujian supaya kita terus berusaha menghampirkan diri kepada-Nya dan syukur di kala ditambahkan nikmat serta mengambil iktibar supaya kita insaf bahawa kasih sayang Allah itu tiada tandingannya.

**Kedua:** Diberikan nikmat tetapi diuji sama ada kita bersyukur dan terus berusaha untuk menghampirkan diri pada-Nya atau kita kufur dengan melakukan kemungkaran dan terus menerus terpedaya dengan tipu daya syaitan lalu semakin jauh dari Allah. Walaupun kita dapat mengecap nikmat kebahagiaan yang Allah kurniakan pada kita tetapi kita kehilangan rahmat dan hidayah dariNya.

### **SIDANG JUMAAT YANG DIKASIHI ALLAH,**



Sebagai kesimpulan khutbah pada hari ini:

**Pertama:** Berazamlah untuk mendidik isteri dan anak-anak supaya menjadi mukmin yang soleh dan solehah.

**Kedua:** Berusahalah agar dapat menyediakan sebuah tempat tinggal yang selesa untuk didiami dan juga dapat beribadah dengan sempurna.

**Ketiga:** Berusahalah menjadi jiran yang baik dan menjaga hak-hak jiran kita.

**Keempat:** Berusahalah kita untuk mempunyai kenderaan yang selesa supaya memudahkan kita untuk terus membuat kebaikan dan menambah amal sebelum kita dijemput pulang ke sisi Ilahi.

Ini adalah empat kebahagiaan yang diharapkan akan menjadi jambatan kita menuju ke syurga yang kekal abadi, insya-Allah.

أَعُوذُ بِاللَّهِ مِنَ الشَّيْطَانِ الرَّجِيمِ

وَنَزَعْنَا مَا فِي صُدُورِهِمْ مِّنْ غِلٍّ إِخْوَانًا عَلَىٰ سُرُرٍ مُّتَقَابِلِينَ ﴿٥٧﴾

Maksudnya: “Dan Kami cabut akan apa yang ada di hati mereka dari perasaan hasad dengki sehingga menjadilah mereka bersaudara (dalam suasana kasih mesra), serta mereka duduk berhadap-hadap di atas pelamin masing-masing.”

بَارَكَ اللَّهُ لِي وَلَكُمْ فِي الْوَحْيَيْنِ، وَنَفَعَنِي وَإِيَّاكُمْ بِمَا أُنْزِلَ عَلَىٰ سَيِّدِ الثَّقَلَيْنِ، وَتَقَبَّلَ مِنِّي وَمِنْكُمْ طَاعَتَهُ لِسَعَادَةِ الدَّارَيْنِ، أَقُولُ مِنْ قَلْبِي الْحَنِينِ، وَأَسْتَغْفِرُ اللَّهَ الْعَظِيمَ لِي وَلَكُمْ أَجْمَعِينَ، وَلِسَائِرِ الْمُسْلِمِينَ وَالْمُؤْمِنِينَ، الْأَحْيَاءِ مِنْهُمْ وَالْمَيِّتِينَ، فَاسْتَغْفِرُوهُ يَا قَوْمَ الْمُسْتَغْفِرِينَ، وَأَنْتَ أَرْحَمُ الرَّاحِمِينَ.



# خطبة كدوا بولن جون

2022M/ 1443H

الْحَمْدُ لِلَّهِ عَلَى آلائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،  
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُشْنِهِ، وَأَشْهَدُ أَنَّ مُحَمَّدًا  
عَبْدُهُ وَرَسُولُهُ دَاعِيًا إِلَى رِضْوَانِهِ.  
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،  
وَزِنَةَ عَرْشِهِ وَمِدَادَ كَلِمَاتِهِ.  
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ  
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ -  
عَلَيْنَا حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾  
[الأحزاب: 56]

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،  
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ  
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ  
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.  
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ  
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan  
Agong, Al-Sultan Abdullah Ri'ayatuddin Al-Mustafa Billah Shah Ibni



Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ غَامَّةً يَا رَبَّ الْعَالَمِينَ.

**Sidang Jemaah Yang Dirahmati Allah,**

Khatib juga mengambil kesempatan ini untuk memaklumkan berkenaan Penyakit Tangan, Kaki dan Mulut atau lebih dikenali sebagai *HFMD (Hand, Foot and Mouth Disease)*. Sehingga 28 Mei 2022, jumlah kumulatif kes HFMD yang dilaporkan di Negeri Pulau Pinang adalah sebanyak 3,012 kes berbanding dengan hanya 144 kes pada tempoh yang sama tahun 2021, peningkatan sebanyak 20 kali ganda. Sehingga tempoh yang sama, sebanyak 102 wabak HFMD telah dilaporkan dengan 2,744 kes bersamaan 91.1% adalah dalam kalangan kanak-kanak berumur di bawah 6 tahun.

Memandangkan tiada rawatan khusus bagi penyakit ini, khatib ingin menyeru para jemaah sekalian agar mengambil langkah pencegahan seperti sentiasa membasuh tangan dengan sabun dan air bersih, mengamalkan etika batuk (tutup mulut dan hidung semasa batuk dan bersin) serta elakkan dari berkongsi barangan peribadi. Kita juga perlu memastikan persekitaran rumah, pusat penjagaan kanak-kanak, sekolah dan taman permainan kekal bersih. Sekiranya ada tanda jangkitan pada kanak-kanak, segera dapatkan rawatan di premis kesihatan yang terdekat. Sesungguhnya, **mencegah lebih baik dari**



**merawat.** Semoga usaha ini menjadi asbab agar Allah **سُبْحَانَهُ وَتَعَالَى** melindungi kita dari jangkitan wabak selain terus melazimi doa:

**اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.**

*Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.*

*Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.*

*Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.*

**رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.**  
**عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ**  
**وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٧﴾**  
**فَاذْكُرُوا اللَّهَ الْجَلِيلَ يَذْكُرْكُمْ، وَاشْكُرُوا عَلَىٰ نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ**  
**يَعْلَمُ مَا تَصْنَعُونَ ﴿٤٥﴾**